

Date – 24/06/2025
Time - 7:30 -7:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. **Larsap Gen (Rtd) VK Singh an hmeichhe naupangte tan Mizoram state leh India ram chu nghet takin a din zel dawn a ti.**
2. **NH-06 leh 306, Kawnpui leh Sairang inkar kawng a chhiat lutuk avangin Mizoram Tipper Assn, Kolasib Dist Hqrs chuan Ningani khian hnatlangpui an ko.**
3. **Vice President Jagdeep Dhankar uan tunhnaia ram thenkhat inbeihna boruak avangin India ram bakah remna leh muanna duh ramte ngaih a ti tha lovin an ralkhel hle a ni, a ti.**
4. **Israel leh Iran inbeihna kal zelah Israel lam chuan nizan khan missile hmanga Iran-an beih thu an sawi.**

<><><>

BETI BACHAO BETI PADHAO/GOVERNOR

Larsap Gen (Rtd) VK Singh chuan hmeichhe naupangte chu zirna ngaipawimawh tura fuihin an tan khawtlang, Mizoram state leh India ram chu nghet takin a din zel dawn a ti.

Nimina State Hub for Empowerment of Women (SHEW), Directorate of Women & Child Development buatsaih State Level Beti Bachao Beti Padhao Plantation Drive, 2025, MINECO, Aizawla a hmanpuinaah Larsap chuan he thu hi a sawi a. Sawrkar laipui hmalakna Mission Shakti kaltlanga Beti Bachao Beti Padhao puala thingphun chuan hmeichhe naupangte hmasawna tur leh environment tha nei tura hmalakna ngaihpaawimawh a tulzia a entir a ni, a ti a. Mizoram hmeichhiate chhuanawm a tih thu leh State leh ram hmel tidanglam theitu an nih theih thu tarlangin, India ram intodelh leh changkang 'Vikshit Bharat 2047' puitlin thei tura pawimawh tak an nih thu a sawi bawh a ni.

Social Welfare, Women & Child Development Minister Pi Lalrinpuii chuan Mizoram in Sex Ratio at Birth dinmun tha tak, national level aia tha zawk kum 2022-23 ah 935 leh kum 2023-24 ah 956 te a neih thu a sawi a. Beti Bachao Beti Padhoa chungchang inzirtirna nasa taka kalpui a nih thu tarlangin, nikumah IEC tiam lovin mi 70,208 te hnenah zirtirna pek a nih thu leh plantation drive pawh tum 54 neih a nih thu a sawi a ni.

<><><>

SAITUAL FARMERS

Saitual District a Tualbung khua Tomato chingtute chu, khuarel chhiatna, ruahtui tam lutukin an Tomato ti lawngin, a rah seng tur engemaw zah ruahtui tam lutuk in a tichhia a, an mangang hle tih an sawi a.

Tualbung khuaah hian eizawn nana Tomato chingtu chhungkaw 30 vel awmin tunah hian a tihralna an zawng mek a ni. Kan corr report lo ngaithla ang.

Tualbung khua hian an tomato rah an seng awm chhun chu a hralhna tur lamah an buai a, man man zawka an hralh ve theih beiseiin tender chhuahin an lilam a, chhangtu mimal an hmu zo si lo chu an manganna tizualtu a nih thu an sawi a, an Tomato tharte chu June 22, 2025 (Pathianni) khan Community Hall-ah an chhung khawm a, Motor hire-in Aizawl lamah a thehthang dan tur ngaihtuahin nizan khan an kal a.

Tha leh tui, sum leh hun tam tak senga an buaipui ve, an Tomato chin ve rah seng leh leichhuah mumal awm thei lo khawp a harsatna an tawk chu an rilru a nat thu an sawi a ni.

Nizana Aizawla an kalpui hi Quintal 25 vel niin an chhut a, Kg ah 35 hisap tala pekna tur an zawng dawn a ni.

<><><>

MEDIA WORKSHOP

Mizo Language Development Board bul tumin Information & Public Relations, Printing & Stationary Department-in Chanchinbu mite tan thuthar lakkhawmdan leh Mizo tawng ziah dan chungchang zirhona (Media workshop for Journalists) nimin khan Aizawl-a I & PR ah Auditorium ah neih a ni.

Mizo Language Development Board Chairman Pu R Lallianzuala chuan, Chanchinthar chhiartu te chu tawng uluk turin a chah a, tawng diklo leh a lam dan diklo chu do tur a ni a ti.

He workshop hawngtu Information & Public Relations Minister Dr Vanlalhlana chuan Mizorama chanchinbumiten an ziah tur zir bingna, investigative leh data journalism-ah te hmasawna tur an la neih thu a sawi. Minister chuan traditional journalism an tih, TV, chanchinbu leh radio te chu a la dinchane reng thu sawiin chanchinbumite thusawi leh thuziak te chu a ngaihpawimawhawm bik thin thu a sawi a. Hmanlai chuan a tak nge dawt tih pawh hriat loh chanchinbuah an hriat tam thin thu sawiin tunah chuan tunlai thiamna changkang hmangin chanchinbumiten thuziak chu thudik a a nih leh nih loh a hriat theih zung zung tawh thu leh fimkhur a tul thu a sawi.

Mizoram Journalist’s Association President Pu C. Lalrambuatsaiha pawhin workshop hawnna inkhawmah hian thu sawiin Chanchinbumite chu tunlai khawvel mila inchhiar zaua, in hawnga, inherrem zel turin a fuih a. Advertisement bill an hnena a luh dan kawng thui lutuk tihtawi dan kawng zawn sak tur leh e-paper te tana a hranga advertisement a kal theih dan kawng zawn sak turin Minister leh department hotute a ngen bawk a ni.

<><><>

MIZORAM TIPPER ASSN

NH-06 leh 306, Kawnpui leh Sairang inkar kawng a chhiat lutuk avangin Mizoram Tipper Assn (MTA), Kolasib District Hqrs chuan Ningani khian hnatlangpui an ko a,

Kawng chhe zual lai te hi lirthei vei vak ten lungmuang taka an zawh theihna tura hnawh a nih hma chuan hemi ni atang hian tiam chin awm lovin lirthei eng chi mah in he Kawng hi zawh lo turin an ngen tih an sawi a. Zawh lui an awm anih chuan an chungah harsatna engpawh thleng se MTA chuan mawh a phur lovang, an ti.

Mizoram Tipper Assn (MTA), Kolasib District Hqrs hruaitute hian nimin khan Kolasib MJA Press Club ah Press Conference neiin, Kawngpui chhia siam that hnatlangpui neih an tum thu hi an puang a. Mizoram ch  k l  kna kawngpui Kawnpui leh Sairang inkar kawng chu a chhiat tawh avanga Kolasib DC hnenah rawtna an thlen tawh chu bawhzuiin ni 19 khan MTA hruaitute kaihhruaina in Kolasib leh Sairang inkar kawngpuia Mizoram PWD & NHIDCL te hnathawh dan a hmunah an enfiah tih an sawi a. An hnathawh hi a chak lovin an thawk muang hle an ti a, lirthei tana zawh hlauhawm leh chhiatna nasa zawk thleng thei dinhmunah a awm mek a, tunah pawh lirthei khalhtute leh neituten harsatna namen lo an tawk mek tih an sawi. Hetiang ani chung a rit phur chung a he Kawng zawh luih hian Motor chhiatna leh Oil manah sum sen a tam phah a, hei hian Motor hman man a ti sang thin a, a tuartu chu mipuite an ni, an ti.

MTA hruaituten an sawi dan in Kawng siam hnatlangpui an neih tur hi Mizoram Truck Owners Assn. Hqrs., Mizoram Truck Drivers Assn. Hqrs., Mizoram Oil Tanker Drivers Assn., Mizoram Indane Drivers Assn., Kolasib District Vehicle Owners & Drivers Assn JAC leh lirthei enkawltu pawl thenkhatin an thlawp a. Harsatna dang a thlen loh nan Kawng siam hnatlangpui an neih ni hian phai lam atangin nitin lirthei lian an rawn tlan luh loh nan Silchar Truck Drivers Assn hruaitute hnenah ngenna an thlen tawh thu an sawi bawk.

<><><>

SAMVIDHAAN HATYA DIWAS

BJP Mizoram State Spokesperson Pi Lalremsangi Fanai chuan kum 1975-a India ram Prime Minister Pi Indira Gandhi in Emergency a puan thut zan chu India ram tan zan lungngaihthlak a ni a ti.

Akashvaniin a kawmnaah he thu hi sawiin Pi Lalremsangi Fanai chuan Emergency puan a nih lai hian mipuite dikna chanvo, Fundamental Rights

pawh mausama a awm thu a sawi a. Mizoramah pawh chutihlai chuan mi eng emaw zat man an nih thu leh jail-ah hun rei tak tak mi an tan thu a sawi a.

Politics ngaihtuaha ram hmabak ngaihtuah thin mi tangkai tak tak te pawh Maintenance of Internal Security Act hmanga man an nih thu a sawi a. Kha hun thima la piang lo thalai tam tak an awm tawh tih sawiin chutihruat chuan hun thim tak chu hre reng turin mipuite a chah a. Khatiang hun thim kha India ramah thleng tawh lo se a duh thu a sawi a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

VICE PRESIDENT:

India Vice President Jagdeep Dhankar chuan tunhnaia ram thenkhat inbeihna boruak avangin India ram bakah remna leh muanna duh ramte ngaih a ti tha lovin an ralkhel hle a ni, a ti.

Vice President chuan remna leh muanna chawisan kawnga India ngaihndan chu tun hma atangin a la ngai reng tih a sawi a, India ram chu remna leh muanna khawvel pum a a awm theihna atana hma la thin ram a nih thu leh remna palai hna phak ang tawk a thawk thin ram a nih thu a sawi bawk.

<><><>

FRESH MISSILE STRIKE AT IRAN :

Israel leh Iran inbeihna kal zelah Israel lam thuchhuak chuan nizan khan missile hmanga Iran-an beih thu an tarlang.

Israel thuchhuahin a tarlan danin indona thlawhna 15 hmangin nizan khan Iran-in surface-to-surface missile a dahthatna hmun Kermanshah province chu beih a ni a, beih an nih ve leh Iran lam pawh hian chhang let ve nghalin Israel lamah pawh drone bomb thlak ri hriat tur a awm nual a ni.

<><><>